

Govor predsjedateljice Zajedničkog povjerenstva za ljudska prava, prava djeteta, mlade, useljništvo, izbjeglice, azil i etiku Aleksandre Pandurević na Konferenciji u povodu 18. listopada, Europskog dana borbe protiv trgovine ljudima Sarajevo, 18. listopad 2011.

Dame i gospodo, uvažene ekscelencije, cijenjeni ministri, predstavnici međunarodnih organizacija, kolege poslanici, dragi gosti,

u ime Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine, prije svega željela bih da pozdravim i izrazim zadovoljstvo što su se našem pozivu da učestvuju u radu ove Konferencije, posvećene Evropskom danu borbe protiv trgovine ljudima, odazvali i njihove ekscelencije: gospodin Patrik Mun, američki ambasador u BiH, zamjenik šefa Delegacije EU u BiH Renco Davidi, kao i gospodin Flečer Barton, šef Misije OEBS-a u BiH i gospođa Meri En Henesi, šefa kancelarije Savjeta Evrope u BiH. Na pomoći bih se zahvalila i ministru bezbjednosti gospodinu Sadiku Ahmetoviću.

Malo je segmenata i rezultata, nažalost, kojima se Bosna i Hercegovina može pohvaliti da zadovoljava evropske standarde ili, čak i da je na brzom putu da ih postigne,...Jedan od svijetlih primjera gdje smo postigli značajan napredak i neosporne rezultate jeste borba protiv trgovine ljudima. Zaista je prijatno čuti podatak da se u godišnjem Izveštaju Stejt demartmenta naša zemlja nalazi u prvoj grupi država koje u potpunosti zadovoljavaju sve zadane međunarodne kriterijume u ovoj oblasti, naročito kada znamo gdje smo bili prije 10 godina.

I upravo ovaj primjer pokazuje da BiH ima potencijal, kada postoji politička volja, da riješi mnoge problem. Svakako, ovako dobrih rezultata ne bi bilo bez podrške EU i SAD, ali ni bez profesionalizma i dobre koordinacije policijskih agencija i tužilaštava na svim nivoima organizacije BiH, a značajan doprinos u svemu tome je dala i dobra regionalna saradnja u ovoj oblasti. No, predstavnici Ministarstva bezbjednosti BiH su sigurno mnogo kompetentniji od mene da govore na tu temu.

Ja još samo želim reći da sam sigurna da će ovaj parlament vrlo lako i brzo podržati usklađivanje krivičnih sankcija za krivično djelo trgovine ljudima sa najnovijim Evropskim direktivama, jer sadašnje sankcije su zaista preblage i ponižavajuće za žrtve. Takođe, uvjerenam sam i da će oba entiteta u BiH – i Republika Srpska i Federacija BiH vrlo brzo po pitanju trgovine ljudima uskladiti svoje krivične zakone sa evropskim standardima i Krivičnim zakonom BiH.

Još jedanput, hvala Vam što ste se odazvali našem pozivu za učešće u ovoj Konferenciji i sada ću govornicu prepustiti ministru bezbjednosti BiH gospodinu Sadiku Ahmetoviću.